

**DODATAK**

**GRAČANIČKI GLASNIK**  
časopis za kulturnu  
historiju

Broj 37, godina XIX  
maj, 2014.

© Monos 2014

# Glosar novih autora

**Abdullah Arifović**, vjeroučitelj, rođen 1974. godine u Tutnjevcu, općina Srebrenik. Osnovnu školu završio u Špionici, a srednju mašinsko-tehničku u Srebreniku. Diplomirao je 2006. godine na pedagoškom odsjeku Fakulteta islamskih nauka u Sarajevu. U novembru 2013. godine, na Fakultetu islamskih nauka u Sarajevu, odbranio je magistarski rad na temu "Osman Nuri Hadžić i njegova percepcija Sunneta". U periodu od 1997. do 2007. službovao je kao imam, hatib i muallim džemata Tutnjevac, a od 2007. godine radi kao vjeroučitelj u Drugoj osnovnoj školi u Srebreniku. Objavljivao je u listu "Preporod", te časopisima "Novi horizonti" i "Novi muallim".

**Lebiba Džeko** (rođ. Nametak), magistrica etnoloških nauka, rođena u Sarajevu 1969. godine. Završila Filozofski fakultet, Odsjek za orijentalistiku završila u Sarajevu, magistrirala etnološke i kulturno-antropološke znanosti na Filozofskom fakultetu Sveučilišta u Zagrebu, Odsjeku za etnologiju i kulturnu antropologiju. Od 1996. godinu zaposlena je u Zemaljskom muzeju Bosne i Hercegovine u Odjeljenju za etnologiju, a od 2010. godine je u zvanju muzejske savjetnice. U više navrata obavljala dužnost načelnika Odjeljenja za etnologiju. Autorica je više stručnih i naučnih radova, te 12 autorskih, koatorskih i zajedničkih izložbi i kataloga od kojih izdvajamo: „Motivi i ukrašavanje na bošnjačkom gradskom pokućstvu“, „Milan Karanović život i rad“, „Sarajevo između dvije carevine“, „Gizdava nit“. Radila je kao stručni saradnik na realizaciji stalnih izložbenih postavki u Gazi Husrev-begovoj biblioteci i Franjevačkom samostanu u Tomislavgradu, te kao stručni saradnik za etnološku zbirku u Bošnjačkom institutu – Fondacija Adila Zulfikarpašića. Od 2011. godine pohađa doktorski studij na Filozofskom fakultetu Sveučilišta u Zagrebu.

**Dževad Drino**, doktor pravnih nauka, rođen 1957. godine u Bugojnu gdje je završio osnovnu školu i gimnaziju. Diplomirao na Pravnom fakultetu Univerziteta u Sarajevu 1981. g., potom završio postdiplomski studij te odbranio magistarski rad 2003. g., a doktorsku disertaciju 2008. godine. Predavač je na Katedri historije države i prava, na predmetima Rimsko pravo, Komparativna pravna historija i Moderne pravne kodifikacije na dodiplomskom, master i doktorskom studiju na Pravnim fakultetima Univerziteta u Zenici i Tuzli. Objavio veliki broj naučnih radova, učestvovao na niz konferencija međunarodnog i domaćeg karaktera.

**Mersiha Imamović**, magistrica historije, rođena u Tuzli 1983. godine. Nakon završene osnovne škole i gimnazije,

diplomirala je (2010.), magistrirala (2013), a potom nastavila doktorski studij na Odsjeku za historiju Filozofskog fakulteta Univerziteta u Tuzli, gdje je u međuvremenu izabrana za asistenta na užoj naučnoj oblasti "Stari vijek".

**Bojana Koroman**, dipl. bibliotekar, rođena 12.10.1986. godine u Sarajevu. Prvi ciklus studija završila na Filozofskom fakultetu na Palama, smjer Opšta književnost i bibliotekarstvo gdje trenutno pohađa i drugi ciklus. Zaposlena na Univerzitetu u Travniku, Pravni fakultet

**Benamina Londrc**, dipl. pravica, rođena u Sarajevu 1991. godine, diplomirala na Pravnom fakultetu Univerziteta u Sarajevu (2013. god.), iste godine upisala II ciklus studija na Pravnom fakultetu Univerziteta u Sarajevu. U međuvremenu, 2011. godine, upisala Filozofski fakultet Univerziteta u Sarajevu - Odsjek za historiju - smjer - Opća historija, trenutno student završne godine dodiplomskog studija. Zaposlena kao asistent na Pravnom fakultetu Univerziteta u Travniku, na historijsko-pravnoj katedri. Autor više naučnih radova, članaka, te bibliografija i prikaza. Učestvovala na brojnim međunarodnim i domaćim naučnim konferencijama i okruglim stolovima.

**Rejhan Prohić**, analitičar informacionih sistema - ekonomista, rođen u Zagrebu 1979. godine, do agresije na Bosnu i Hercegovinu (1992.) živio sa porodicom u Bosanskom Novom, gdje je pohađao osnovnu školu, koju završava u Zagrebu. Tu upisuje i srednju Tehničku školu za elektroniku, finomehaniku i optiku "Ruđer Bošković", a nakon njenog završetka, sa porodicom dolazi u Gračanicu. Godine 1999. upisuje studij na Ekonomskom fakultetu u Sarajevu. U dosadašnjem radnom vijeku radio je u finansijskom, industrijskom i informatičkom sektoru. Već nekoliko godina bavi se proučavanjem rodoslovlja i tradicije svoje familije, te interesira za kulturnu historiju Gračanice.

**Mevlida Serdarević**, dipl. pravica, rođena 1942. godine u Dubrovniku, gdje je završila osnovnu školu i gimnaziju. Diplomirala je na Pravnom fakultetu u Sarajevu 1966. godine. Gotovo čitav radni vijek provela je na poslovima pravne zaštite kulturne baštine u Zavodu za zaštitu kul-

turno-historijskog i prirodnog naslijeđa Bosne i Hercegovine u Sarajevu, gdje je koncem osamdesetih godina izabrana u zvanju stručnog savjetnika. U Muzeju Sarajeva obavljala je dužnost direktora ove institucije od 1998. -2007. godine. Autorica je monografije "Pravna zaštita kulturno-historijskog naslijeđa BiH (nastajanje, očuvanje, destrukcija)" (1997.) i koautorica (sa prof. dr. Ajnijom Omanić) knjige "Bošnjačka kultura ponašanja" (2009.)

**Zijad Šehić**, doktor historije, redovni prof. na Filozofskom fakultetu Univerziteta u Sarajevu (*Svjetska i bosanskohercegovačka historija - novi vijek i savremeno doba Evropska i svjetska historija novog vijeka (1789-1918, Savremena svjetska historija, te nekoliko izbornih predmeta*), rođen je 1959. u Mrkonjić Gradu gdje je završio osnovnu školu i gimnaziju. Na Filozofskom fakultetu u Sarajevu diplomirao je na Odsjeku za historiju 1982., magistrirao 1991. i nakon stručnog usavršavanja u Beču, doktorirao na istom fakultetu 2002. godine, gdje biran u sva nastavnička zvanja, od docenta do redovnog profesora, 2013. godine. Uže područje istraživanja mu je historija Bosne i Hercegovine u kontekstu evropske historije, posebno u periodu austrougarske uprave 1878.-1918. godine, kao i njeno mjesto u međunarodnoj diplomatiji XIX i XX stoljeća. Objavio je pedesetak naučnih i stručnih radova i priloga, više autorskih i koautorskih knjiga i bio koautor pet udžbenika i dva priručnika za preduniverzitetsko obrazovanje. Izdvajamo: *Povijesni atlas Bosne i Hercegovine. Bosna i Hercegovina na geografskim i historijskim kartama*, (u koautorstvu) Sarajevo 2002., *U smrt za cara i domovinu. Bosanci i Hercegovci u vojnoj organizaciji Habsburške monarhije 1878-1918*, Sarajevo 2007., *U mojoj Bosni. Povo-dom stogodišnjice posjete cara Franje Josipa I Bosni i Hercegovini od 30. maja do 4. juna 1910.*, Sarajevo, 2013., *Eksperiment u svjetskoj laboratoriji Bosna. Međunarodna diplomatija u periodu disolucije SFRJ i agresije na Republiku Bosnu i Hercegovinu (do Vašingtonskog sporazuma 18. marta 1994.)*, Sarajevo, 2013; Učenik je mnogobrojnih međunarodnih i domaćih naučnih skupova, recenzent više knjiga, mentor desetak magistarata i doktorata itd.